


Selected Scriptures in Yipma/Wagamwa



Selected Scriptures in the Wagamwa dialect of the Yipma language (parts of John, 1 John, Romans, and Hebrews).

**Selected Scriptures in Yipma/Wagamwa
Selected Scriptures in the Wagamwa dialect of the Yipma language (parts of John, 1
John, Romans, and Hebrews).**

Sampela hop long Nupela Testamen long tokples Ylipma Wagamwa long Niugini
copyright © 2011 Wycliffe Bible Translators, Inc.

Language: Yipma/Wagamwa (Yipma)

Dialect: Wagamwa

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-02

PDF generated using Haiola and XeLaTeX on 18 Apr 2025 from source files dated 31 Aug 2023
83ddbd8-cd0d-50af-8313-6fdd3ace43da

Contents

Soni	1
Romi	5
Yibiru	9
1 Soni	11
Godiyai	13

Yagaala Tewaanya' Soni yidabagesi.

Godiyarine Yagaalyai (Jisaasi) mwaarigerinesi.

¹ Sinyamwinyagaa' kigaakuna Kwaaga taba' myima'nyamwi Godiyarine Yagaalyai mwaryaagemwinyi. Nabaai, Godiyai mwaaragemwi kaminyimwi Godiyarine Yagaalyai mwaari'. Gotiyarine Yagaalyai sagwai Godiyai.

² Sinyamwinyagaa' kunegaa' aayamwidaa'nyi Godiyalyi sagwai mwaribainyina yaagelyi.

³ Godiyai sara kyabwira' sagwai wiyangi sara wagagei. Aane piri' kiri' kami saba yima'naga' mi'. Aawa, sagwai wagagengi wiya sa.

⁴ Sinyamwi sagaa' sagwari kaalyabwi waragelyi. Kaala sabwi a'mwe wiyyaraabire Paagelyi. Yiniga sai a'mweinaabina kunya tewaanya yabwirya'ne nejaabinigerina. Kunya tewaanya yabwirya'ne wiyyaabina kaneya' paaga sabi nabyaa mwaindaanyaine. (Gidiyarina nabyaa yabwitaanyaine.)

⁵ Saburidaa'nyi siginya kayaa'nayaburi Godiyare paage' wannyina. Nabaai siginya sa' paagebi mwabilayinigesi.

⁶ Godiyai yabwi'na "A'mwera paagebi mwaaimbiga!" yabwiraga sinyamwi a'mweri widaasagelyi. Sai Soni (pabitaajiya yandei) widaasagelyi.

⁷ A'mwe sagwai saliguragy'i'nei pina. "A'mweraabi a'mwengi Jisaasi Paagerina wiyaliguragana!" taga widaasagei pina. "Kadiga wi'napiji Naangeri limwagapiga!" tagei pina.

⁸ Soni kami sai Paagei mika! Aawa. "Paaga nabwi'nya sarina saliguragana!" tagelyira.

⁹ Tibi Paagei Kwaaga tabagi waraabaga a'mwe kajainajainaabina Paaga nebulya'nanyalyi. A'mwe wiyyainaabi kunya tewaanya yabwirya'ne nejaabandei.

¹⁰ Nabaai, Kwaaga tabagi sai pamwaaina ya'. Sinyamwi Godiyai kyabwira' sagwai Kwaaga taba' sara wagon. Sara wagon yaga pamwaaina kya' kiri' Kwaaga Tabagi mwaaryara kami sagwari myabwiramaaryi yesalyi.

¹¹ Kamnya Anga Yijirelina pina yaga mwaaindaasi kamijiyyara mamaaryi.

¹² Sara yina yeba mamaaryi kye' kiri' a'mwera pwara "Nebulyasira. Naangelyira," teba maarina ye'. Maarina kye' sai wiya saraabi kamnya tiraginyabwi wiyyaabina ya'. Kamnya tiraginya sabwi sagwara Godiyale kwaimiraayara yima'nyi'nebulyi. Kami sagwarinaji kamire yebiyabinaji limwagatibisaraabinebulyi. Yi sagwara mudigera yima'nyina ye'.

¹³ A'mweraabire yijabagaabidaa'nyi tawengina mudigera myima'nyina. Aawa. Kiraagejigiya sindujaburi mudigera myima'nyina. Aawa. A'mweraabire tiraginyabwi mudigera myima'nyina. Aawa. Godiyai kebwi yabwi'na "Sagwara nimire kwaimiraayara mudigeraabi yawaginima!" kada' yima'nigabinigengi.

¹⁴ Godiyarine Yagaalyai a'mwe kiraanagei yima'nyina yagei neminyimwi kamnya seli ange' yiradaakuna. Kamire kiraagejigi wiramwaaina yina yandaasi tinya tara wangano' "O, Nabwi'nyai tiraginaangei taaga!" Sara tandaa kamire paagebi tinya wangano. Kanimaangeridaa'nyai kambei yamaginarigabaaimbita paaga sasi. Sagwari yuneba yanga kaimwangebuliyi nebulyabulyi maanga yegu'nigelyi.

¹⁵ A'mwe Soni kaminyina nejaliguraganda saga tara tanganna "A'mwe tajarina yinggidelyi. Niimi Godiyale yagaala kyinggaidimwa tibiya pwai poj

yingga'dibwaagadei Naangelyi. Nimi sagwainyi mig! Nimi maarigeinyira/wabeinyira. Nimi myima'nyagaa' kuna mwaryaage'na Sinyamwinyalyi.

¹⁶ Sagwai maanga yegu'nigebidaa'nyi nemi wiyainaabina wana nabwi'nya nejaabande'na tewaanna mwaago. Neminyi kamire yanga kaimwang-gaimwange' nejaabanda nejaabinigelyi.

¹⁷ Sare' Godiyai kujaa' Ne Mojiji Godiyale Kimwinya tewaanya' wijaabina. Wijaabina neyinige' neminyimwi Godiyai Kiraajitiya Jisaasiri widasaabina. Widasaabina kyini' sagwari neminyina yanga kaimwangebuli' nebulyabulyi yima'ninige'nanyi.

¹⁸ Godiyari a'mwe Kwaaga tabagiyaina wangandaanyarina mi'. Aane pwai kwai tinya mwanganyi. Aawa. Godiyai, kambei kanimaangeryaba kusimaginna mwaarigei neminyi yibwaridaakwia neyigelyi.

Jisaasi neminyinneba paragarinesi.

²⁹ Mwanyigaa' Soni mwaaraga Jisaasi pageri tinya wanganaasina yaga a'mweraabi widina "Yidaanyi! Tajai Godiyalei Sipijipiya timwinyara! Kayaa'nayanna a'mwera sipijipi'ri lamina yandibi' kwaraanyaba Godiyarina tiga nasi'na yandebaaimbi' sai Kwaagebagi mwaaryainaabire kayaa'nayanna marasisa'na paradelyi.

³⁰ Sagwarina yingga'dandinyalyi. "Nimi pimeinyi, tibi a'mwei padelyi. Nimi myima'nyagaa' sai kuna mwaaryaagalyi. Sai sinyamwinyai Naangalyi. Nimi wabeinyira.

³¹ 'Pojiyai Naanga Kwarinera,' yabwiredena kaminyi myabwiranganyainy. Aawa. 'Sagwarina Yijireliyaraabi yibwaridaakwia'na yima!' tena pima. Aarya yingga'ndinya (libamabandinya) sabi tara sabwiryinde' 'O, sai Naangai taaga!'

³² Soni tinya mena paiginaraga a'mwe Sudaayaraabi wijaliguragina "Sugunyabi Godiyalebadaa'nyi Kuryai Tewaanyai kwaamiryaimbisai waraabina yaga a'mwe sari mwaaribainigaritinya wanganerinera.

³³ Sinyamwi kaminyi myabwiranganyainy. Aawa. Pabitaajiya'na nyidasaabagai sagwai nyinda' 'Tibidaa'nyi tara tongandeiginyi. Kurya Tewaanyai a'mwe pwari pwaramwaaina yaja' wanganaki'i tara sabwite' 'Ai, sai a'mweraabina Kurya Tewaanyari yanga wijaabadei taaga!' Kimi aaryabi pabitaajiya'side' sai Kuryari pabitaajiya'yadelyi.'

³⁴ Sara widina nyage'tinya nabyaa wangameinyi yingga'jaliguragi'baiga. Sai Godiyale Kawaaribaangalyira."

3

¹ Sudaaya pwara Perijigimwinya yandibi' mwaarina yebe pwai Nikodimaajai wo'nigai Perijiyai mwaarina yagalyi. Sai a'mwe naangai Sudaayaraabi maremwaaindei mwaaragalyi.

² Mwaarina yaga sagwija piribi Jisaasiryimwi pina yaga pamwaaina yaga widina "Widibwaagyaigi/yibwaagyaigi 'Godiayi kidasimwaabigaigi pagina widibwaagyina neyibaigi. Sare' tare'nesi. A'mwera wijiwaainyangi yibaigi. Tiraginya yibaigi Godiyai magigaimwagyaji kwaji sara myi kyidi' tiraginya tabwi,' sara yabwi'mona."

³ Jisaasi sa'na widina/ma'maa'na "Naanga nebula'na kidibaiga. A'mwe pwai kwai ayagi mudigai myima'nyi yajai Godiyai maremwaaradeba tinya mwanganyi yannelyi."

⁴ Nikodimaajai widina "A'mwe naangai mudigai yima'nya'na kadara yoji/yaji yima'nadelaga? Pigasaai a'mwei kanaangebi munyawigi ayagiji wiraminyina kyaji kanaange' kadara maaradelaga ayagwara?"

5 Sai sa'na widina "Naanga nebula'na kidibaiga. Kurya Tewaanyai a'mwe pwari aari myi kyaji mudiga mwimwaaigy i kyaji sai Godiyale maremwaain-deba wiradei miga!"

6 A'mweraabire kwaimiraabyai migwi'naga yaginnagalyi. Godiyalei, kamire munyawigi Kurya Tewaanyai puramwaaina kyaji sai a'mwe Godiyale Kuryai kininnagalyi mudigai.

7 Kidime'na "Semi mudiga ayagi sima'nyira!" kidime'na atiga maru'nata myinnera!

8 Yigwija kami sa' kaanna wina yandebaaimbisasi. Yigwija' kadiga wi'nandinyaigi "Samwinna wawade' taaga? Sabadaa'nyi pade' taaga?" Tandinyaigi mi'. Aawa. Sare'na Godiyale Kurya Tewaanyai kajaijare munyawigi pwiramwaaina yinigai mudiga yima'ni'. Mudigai tewaanna yanda a'mwera tinya wangamaigya'. Kumi mwangamaigya' aaya kaabilabi.

9 Nikodimaajai ma'maa'na "Nyindimaanya' kadara yima'ninigabaga?"

10 Sai widina "Yijireliyainaabire nedibwaagandinyaigi sabwi myabwiramaaryiginyaigi taaga?

11 Naanga nebula'na kidibaigo. Nabyaa yabwiramaataanya yabwitaa yinggidibaigo. Tinya nabya wangandaanya yinggidibaigo. Sara yinggidibaigo'na nemire saliguragyabi mamaa'maigyasalablyira. Sabwi kadiga myibaigya sa' pe'na yibaigya'?

12 Kwaaga tabagi yinigangina kyenggidima malimwaga'maigya'. "Nebulas i," sara maji yimaasa' Sugunyabi yinigangina yinggidimwija' kara tilimwagyindelabiraga!

13 Sugunyabina yiraawagai a'mwei pwai kwai miga. Sugunyabi A'mweraabine Kwaimiraabyai mwaaraga sabidaa'nyi sai yimbei waraaba'."

14 Kigaa' a'mwamaayaba Ne Mojiji kwaari'makamaala' yijabi pwiyaga widaakuna yaa'. Kamaalari makyiryaagabaaimb'i yijabi tamagya'na A'mweraabine Kwaimiraabyari sagibaaimbi' makyimb'itelyira.

15 Sagwai "Kajajai nyilimwagaraji kaala wiyagaa'nebwi maarana!" kadaji sara makyimb'itelyira.

16 Sare' tare'nesi. Kwaaga tabagi yainaabina Godiyale kare naanga kwia' Godiyai neminyina kawaaribaanga yimberi nejaabagalyi. "Kajajai sagwari wilimwagaraji myiwawanna! Aawa. Kaala wiyagaa'nebwi maarana!" taga nejaabagalyi.

17 Sare' tare'nanyi. Godiyai tina "Nyibwaaribaangai a'mweraabi kotiya'na maaryawibwaradela!" majaga myasaabya'. Aawa. "Nyibwaalibaangari a'mweraabina padaigasamaaja yima!" taga kwaaga tabagi yasaabina ya' Godiyai.

18 Kabwaalibaangarina limwagaja pwari Godiyai kotiya' maaryawibwatei mi'. Malimwagyaja pwai kotiya' mena yawibwa'nigalyi. Godiyale Kawaaribaanga yimberina kamire yebyabinaji malimwagaryaja'na kotiya' mena tinigesi.

19 Kotiya'na tara tini' "Nemire kwaaga tabagi pwai nebula' nedibwaagaga'na Paagei waraabina yaga kiri' a'mwera kayaa'naya yandibisara kayaa'nayabwi siginyaburina wibwi'nagare. Paagerina wibwi'nagara mi'. Sare' tare'nesi. Kumi yandibisa kayaa'nayangira," sare'na tinigesi.

20 Sare' tare'nesi. Kajajai kayaa'naya yandei Paagerina simliga wimanigai Paageryimwinna mabyi yibani'. "Paageryaba pwara nimire kayaa'nayabwi nanyangambiga!" taga mabibani'.

²¹ Sara yandaasi kiri' pwai nebula'na tewaanna yandei Paageryimwinna nabyaa pibani'. "Paageryaba kwawa'muji pwara yabwisa'na 'Godiyari wiya sa tewaanna sibaniga!'" taga kaanna pibanigalyi.

³⁰ (Soni libamabya yaagai wijaa'.) "Kami Naangei nyabilabigalyi. Niimi naangeinyi myima'nimwineinyi. Niimi wabeinyi yima'nimideinyi," widina ya' Soni.

³¹ Munyabadaa'nyi tiraginyai waraabagai wiyainaabi newabilabigalyi. Kwaagebagidaa'nyi pwaina Kwaagebagiyaina kwaagebagiyabwi widina, kwaaji kwaaji yagaala widina yandaanyaine. Sugunyabidaa'nyai wiyainaabi newabilabigalyi.

³² Sai Godiyaryaba tewaanyabwi tinya wanganagangi kadiga wi'nagangi sangina saliguragina. Sare saliguragina kya' kiri' aane pwai kwai kadiga wi'naga kamire yagaala' mwi'nya'. Aawa.

³³ Pwai kamire saliguraga' taapina yage' yi "Gotiyai nebula'nayai!" tiraginna tina ya'.

³⁴ Sare' tare'nesi. Sagwari Godiyai yasaabina kya' Godiyale yagaalangi widibwaagina. Sare' tare'nesi. Godiyai sagwarina kamire Kuryari wijaabina ya'. Godiyai kamire Kuryari wabe'na wijaabagarina mi'. Naanga wiyaabwi wijaabagarina. Godiyai kamire Kuryari yinagu wijaabaga'na sai Godiyale yagaala' nayaawidina neya'.

³⁵ Kawaaribaangarina Kanimaangari tewaanya wi'bu'nanda yiraaya yanda tiraginyaj i wiyaj i mwangina yanda widina "Wiya timaremwaara!" widagarina.

³⁶ Kawaaribaangari nabyaa limwagatei kaala wiyagaa' wiyagaa'nebwi kininnigalyi. Kwai Kawaaribaangari malimwagaradei kaalabwi tinya mwanganyi. Aawa. Godiyari sinya simiriga wiryabwi sagvari kuna wiwarigalyi.

13

Yagaaiigmwinya mudiga'nesi.

³¹ Sarebidaa'nyi Sudaajai ya'ma'na yagagaa' Jisaasi widina "Tagaa' A'mweraabine Kwaimiraabyai paa'nigai yima'nimaga. Tagaa' kaminyina Godiyai paa'nigai yima'nimaga.

³² Kaminyina Godiyai paa'nigai yima'najai A'mweraabine Kwaimiraabyari paa'nigari wimwaaigadelyi. Yime'nyapi' paa'nigari wimwaaigadelyi.

³³ Niimnya kwaimiraabyalabi, tibi wabegaa'/wibegaa' seminyaba kuna mwaageinyi. Pirina yapiji kiri' Sudaayaraabi widimwatebaaimbi' tagaa' yinggidibaiga. Niimi wi'mwijamwi tiwindelai mi'.

³⁴ Yagaaiigmwinya mudiga' yinggijaabaiga. Singgya'mweraabina tewaanya yinggi'bu'nana! Niiminyi seminyina tewaanya nyibu'nandebaaimbi' seminyi singgya'mweraabina tewaanya yinggi'bu'nana!

³⁵ Sem i sara yinapiji saburidaa'nyi a'mwe wiyyara seminyina yabwi'na 'Sagwara Jisaasilerera.' Yi seminyi wi'bu'nyabwi waraja' sara yabwi'na yinggyipitelabilyira."

Romi

16 Yo, sare' tare'nesi. Nimi yagaala tewaanyabina wagila manyibwa'nyandeinyi. Sare' tare'nesi. Yagaala tewaanya sa' kajarajara limwagapijaraabi Godiyai wibadaigasamaarya'ne sa' Godiyare tiraginiya ti'nagesi. Tiraginiya Sudaayaraabidaa'nyi nabaai Sudaayara mamwaaryigasaraabiji wibadaigasamaarya'nesi.

17Sare' Godiyare pugwiyabi tara tinigabaaimb'i'nyi, "Pwai Godiyari limwagate sarerina 'Yida'maraangeri wimwaaigimwa,' tojiyai wiyagaa'kaala mwaaradelyi."

3

"Wiyagaa' a'mwe aane pwai yida'maraangei mi'," tinige'nesi.

9 Yi kadatarebinyaga! Nemi Sudaayaina a'mwe pwaraabi wabilabaanneina tigaga! Aawa nebulyasi. Sare' tare'nesi. Nemi sidasa'na tibi'na timwo "Yi wiyaina wagilyabi kwaagemwi mwaagoinera Sudaayainaji Anga Pimagine (Kirikiya) kwaraji."

10 Sabaaimbi' tara tinigesi.
Godiyaryaba yida'maraanga aane pwai kwai mi'.
Arigemwinyi. Aane pwai kwai mamwaaryi'.

11 A'mwe pwai simunya wiwarigei mi'.
Godiyarina pwai piribiryia yibanigei mi'.
Yi wiyara Godiyari yagarya'ma'mwaasare.

Wiyara yiragureba waryaanyara yima'nimwaasare.
Nabwi'nyabwi yande aane pwai mi'.
Sasarei aane pwai kwai mamwaaryi'.

13 Taarisabidaa'nyi kirebudirinyabi newinibaniga widandibisare.
Taarisasi kwaajji yagaala widandibisare.

Naawinaanyale kwaaminya' a'mweraabi tamagandebaaimbi'
Yagaala nabinabinya kayaaga yigalya'ne widandibisare.

14 A'mweraabi kayaaga tiraginna yigalya'ne
Yagaala kayaa'nayanna paasiyagaala widandibisare.

15 Yigwikaannagera a'mwe tamya'nera
Yarai kaanyibe'na yamaryandibisare.

16 Kayaaga yigalagy'i'nera wina yadibi'
Taanginya kwaraarya wijaayi'nera wondibisare.

17 Kwaamu'nanyaburine nagarya' yabwiramaatibitara mi'.
Pwaraji abaaijimunyabwi ye'mwannamwaaindibitara mi'.

18 "Gidiyai Naangelyira," myabwiryi yandibi' Kumire tinyaraabi Godiyarine ligebwii mwaryiga.

Godiyale pukwiyabi sara tinigengira.

19 Nabaai sara tinigenna nemi yabwi'mwo. Wiya Kimwinya tinige nemi Sudaayaina saburi talaangemwi wira'nata yigoina sara ya'ne tinigengi. Sare' kiri' Sudaayainaabina tajabwi yinggidimwebwi yiwtawagya warigesi. Sarebidaa'nyi Godiyai yawibwata'negaa' nemirebwina "Sudaayaraji maanga pipaina yipiga! Nabaai a'mwe wihamwinyara niminyina yiwtawagya sabwi kininnagera mwaaimbiga!" taga Kimwinya kininnigeinaabi talaangemwi nemaarurawagageine.

20 Sare'na tarebinyi. Godiyale yawibwata'nebwina Kimwinya saburi midinyabina "A'mwe yida'maraangeiginyi. Nimireiginyi," Godiyai kiraanaga

aane pwari kwari wıdade' mi'. Aawa. Sare' tare'nanyi. Kimwinya sabwi nemire wagila saburi yine'na neyibwaridaakwıbanigesi sagiri'na.

A'mwei Kiraajitiyari limwagajai yıda'maraangei yıma'nade'nesi.

21 Nabaai tagaa' Godiyai a'mweraabi kamire yıda'maraanga sabwi kaminyi yıda'maraangeraabi wımwaaigya'nebwi wi'na neyibwaridaakwagebulyi. Sa' kimwinyaburaabi midinya'nebidaa'nyi myima'nyagesi. Aawa. Sa' pırıbi yıma'nagesi. Kiri' pigarigurya Kimwinyasi wi'nawidibwaagyaasaraabire tinigesi nabwi'nya yıda'maraanga tajabwina salikuraginigesi.

22 Yi Jisaasi Kiraajitiyari limwabijaraabına Godiyai "Yıda'maraangeraabi nimireraabi wımwaaigima!" tadelı. Yi limwabija wiyyaraabinesi. Sare' padaigasamaasabwi tare'nesi. A'mwe Sudaayarebwi nabinyabwi mi'. Anga naanga pimaginya pwai kwarebwi nabinyabwi mi'.

23 Sare' tare'nesi. Wiya a'mwera Sudaayaraji anjimya wiyyangiyaraji wagılya'nebwi yandibisare. Godiyai paaga tıraginyasiyaryaba menyaba mwaaigasare.

24 Sasareraabi Godiyai yange'na tewaanna wigaimwanda Kiraajitiyai Jisaasırı kamaryasaaba' sagwai ayagi mubya yamaaryı'nei sara kya' Godiyai "A'mwe yıda'maraangelalyıra. Nımirelyıra," wıdına. Sa'na sagwara ma-mubyandibisare. Sa'na Kiraajitiyari sigumalesi.

25 Sinyamwi Gotiyai Kiraajitiyari tagilagagei paraga kamire tawe' a'mweraabire wagila sa' mumbya'ne' waraabagesi. Gotiyari a'mweraabire wagılyabwina sinya tiga wıdatebulyi. Kiraajitiyari limwabijaraabına sinya tiga sabwi mumbamaarası'nya'nei paragelyi. Yi nabaai sasare saburi Godiyai "Nımi yıda'maraangeinyi yıda'na yandinyainyi," neyibwaridaakwagebulyi. Sare' tarebinyi. Kigaa' Godiyai kwaamu' kabe yemwaaında a'mweraabire kayaa'nayanna yeta sabwina wanganagina.

26 Kiri' "Godiyai yıda'maraangei migal!" nadipindiga!" taga tada-gaasagaa' Godiyai "Nımi yıda'maraangeinyi yıda'na yandinyainyi," taga sara neyibwaridaakwia'nei Kiraajitiyari maryasaabagelyi. Sasare saburi Godiyai kami sai yıda'maraangerina neyibwaridaakwanda yi a'mwe wiyyaraabinei Jisaasırı limwagajarına "A'mwe yıda'maraangelyi. Nımirelyıra," tandelyi. Yi wiyyaraabi wılimwabijaraabi sara wıdandelyıra.

27 Sarebidaa'nyi Godiyai "Yıda'maraangelalyı," nedage'na yi nagarya' a'mweraabine yebya makyırya'nebwi kaba warıga! Yi wana aawaawa. Nagarya sari' kaanya mena ligi'nigesi. Nagarya tajarıgi peri' tagarigi'nari'? Godiyale Kimwinyaburı midinya sabı tıgaga? Aawa. Sabina mi'. Aawa. Kiraajitiyari limwanga saburi sagiri' nagarya sarıgi kalalımwamanı'.

28 Sare' tare'nesi. Nemi tıragınna tara tandaanyi "Godiyai a'mwei Kiraajitiyari limwagajarı tıbanigelyi 'A'mwe sai yıda'maraangelyi. Nımirelyıra.' " A'mwe Kimwinyaburına yaamiji yune midinajarına Godiyai sara majandelyi.

29 A'mweraabine yebya mamakırya'ne' pıbwi tarıga? Tare' sabwıryıla! Godiyai sai Godiyai Sudaayaraabınannei taaga! Anjimya wiyyangiyarayıyyaraabine Godiyai mindaaga! Yayo! Godiyai sai anjimya wiyyangıya pwara kwaraabıjinelyıra.

30 Godiyai kambe pwaina Naangelyi. Sarebi Sudaayara kıraageji' kurya tatıbisara Kiraajitiyari limwambijaraabına "Yıda'maraangerera," tanda nabaai anjimya wiyyangıyara kıraageji' kurya madabyandibisara Kiraajitiyari limwambijaraabinajı abaaina tıbanigelyi.

³¹ Sarebidaa'nyi limwanga tajabi yida'maraangeina yima'nandaanya'na Kimwinya sabwi tadaibaimaigona? Arigemwinyira. Aawa. Kimwinyabwi nebulya'na yida'na maridaakwia yibaigo.

8

Kiraajitiyai kayaa'nanya nemaarasita Kurya Tewaanyari nejaabanige'nesi.

¹ Sarebidaa'nyi yi tagaasagaa' Kiraajitiyai Jisaasiri wiramwaaigasaraabina yagaala yawibwata'ne sidata'ne mwaryi'.

² Sare' tare'nesi. Kiraajitiyai Jisaasi yagebi Kuryai kaala kijaabanderebwi kayaa'nayabulyi yune naanga paryabulyi saburaai mena wila kyitalamaara'.

³ Yi sare' tare'nesi. Amweraabire kiraagejigiya yabwita sabina kimwinyabwi yi'neina waryaanyaina mwaago'na Kimwinyabwi kayaa'nayaburi padaigasamaa'na myi neyannebulyira. Sara myi yande' Godiyai sara yagesi. Godiyai kamnya Kabwaalibaangeri maryasaabagelyi. Sarei amwe kayaa'nayaimbi' kiraanigei yima'nagelyi. Kami amweraabire kayaa'naya pwaramarasi'nyi'nei waraabagelyi. Yi amweraabi kayaa'nayabwi wirarigeburi Godiyai sida'na kya' Kiraajitiyai amweraabineba kayaa'nayanne tibigita'na paragelyi.

⁴ Godiyai neminyina "Sagwara kimwinyabwi taginiga yida'maraangengi yuna yandibisaraabi wimwaaigima!" kada' sara paragelyi. Sareina amweraabire kiraagejigiya yabwita sabi kaanya myamarandaanyi. Aawa. Nemi Kurya Tewaanya sari kaanya yamarandaainaabinesi.

⁵ Sare' tare'nesi. Amwera amweraabire kiraagesiyara kumire simunyangi kiraagejigiyanna yabwiririgitibisare. Nabaai Kuryaryiyara kumire simunyangi Kuryalenna yabwiririgitibisare.

⁶ Sare' tare'nesi. Kiraagejigiya simunyabi amwe sara yune naanga paryabwi Godiyarina kimaja yiremwaaryabwi maa'maigasare. Yi nabaai Kurya Tewaanyale simunyabi amwe sara kaalyasi simunya kwaamu'nayasi maa'maigasare.

⁷ Sarebi kiraagejigiya yabwita sa' simunyangi maremwaarajara Godiyale yigamaangera yima'nimwaasare. Kiraagejigiya simunya' Gotiyarina yigamaangesi. Sare' tare'nesi. Sagiri' Godiyale Kimwinyabi wira'nate' mi'. Tare'nesi. Yi nabaai sagiri' sara yiniga yanne' mi'.

⁸ Kiraagejigiyangi mwaaindibi' amwe sarera Godiyari yiraaya wigarya'nera mamwaaryi yipinere.

⁹ Sem bi kiraagejigiyangi mamwaaryiga'. Aawa. Godiyale Kurya Tewaanyai seminyi wirayinggimwaaindori Kurya Tewaanyari wiramwaaigasalalyi. Nabaai, yi pwai kwai Kiraajitiyale Kurya Tewaanyai maayai amwe sai Kiraajitiyalei mi'.

¹⁰ Nabaai Kiraajitiyai seminyi wirayinggimwaarajai yi piri' taresi. Kayaa'nayabwine'na semire kiraageji' paradejigira. Yi piri' taresi. Seminyina Godiyai "Yida'maraangelai nimirelalyi," mena yinggidage'na Kuryai kaala mena yinggimwaagelalyi.

¹¹ Godiyai Jisaasiri painigeraabyamwi yidigaabagere Kuryai seminyi wirayinggimwaaindanari Kiraajitiyai Jisaasiri paryari yidigaabagei semi parapijyagaa' semire kiraagejigi kaala yinggijaabadelyi. Kuryai seminyi wirayinggimwaaindebi kiraagejigi kaala yinggijaabadelyi.

¹² Yi sarebidaa'nyi, nya'mwelai, nem bi tibigita wijaabya'ne kininnageine. Tibigita sa' Kurya Tewaanyari mwaaryi'nesi. Kiraagejigiya yabwisaningina tibigita aawa. Nemi kiraagejigiya yabwisaningina mwaaryi'ne tibigita mwaryi'.

¹³ Sare' tare'nesi. Semí kiraagejigíya yabwísangina mwaaimbija' yi semí yune naanga tibaryira. Kirí' Kuryale tiraginyabi semí kiraagejigíya yabwísa ya tamagipiija' yi kaala timwaaryindelalyí.

¹⁴ Sare' tare'nesi. Godiyale Kurya Tewaanyai kajarajaraabi wibwaridaakwíbanigera yi sagwara Godiyale kabwaalibaangere.

¹⁵ Sare' tare'nesi. Semí Godiyarina liga ayagi ya'ne' karabujíwamwinyabi yinggyidiwigamaremwaara yinggyande Kuryari mamaaryesalyí. Aawa. Kabwaalibaangeları yinggimwaaigaga Kuryari maaresalyí. Yi sagwari, nemí Godiyari saga tandaanyí "Tataala! Nimwala!"

¹⁶ Kuryai kami sagwai nemíre kuryaraji nemí Kiraajitiyari limwandaanyainaabına tara saligurakibani "Gotiyale kwaimiraayalalyira."

¹⁷ Nabaai Godiyale kwaimiraayaina mwaraaja' Nimwai sare wiya tewaanya maraadeinera. Piri' taresi. Godiyale wiya tewaanya maraadeinera. Piri' taresi. "Kiraajitiyalyí paaga tiraginya' maraana!" tawaaji Kiraajitiyalyí taanginya ye'mwannamaraaja' Kiraajitiyai wiya tewaanya maarade ye'mwannamaraadeinera.

Pigariigurya' Yibiruyaraabinesi

Kamire Kabwaalibaangei tagebi Godiyai nedage'nesi.

¹ Kigaakuna kwala naangegaa' Godiyai kaminyi wi'nawidibwaagyaraabi simunya pininna piri' widina, pininna piri' widina. Yi sara kujaa' sagwara nemire Ne sinyamwinyaraabi simunya nabinabinya pibura wijaasara kwaraaryare.

² Kiri' nabaai tagaa' aayagasa Godiyai yagaala nedage' kamire Kabwaalibaangei nedagesi. Sagwari Kanimaangele wiya maaryi'neri Godiyai mena tagilakagelyi. Nabaai Kabwaalibaanga sagwari Kwaaga tasi sugunya kirisi Godiyai yabigaryaagengi.

³ Kabwaalibaangei sagwai Godiyale paaga tiraginyabi libamwaja naangelyi. Yi neminyi Paaga naanga nemwadandelyi. Sagwai Godiyari abaaina nebulya'nayalyi. Kamire yagaala tiraginya kininnige'tanda wiyangi tiraginya yibaimwanda wiya sarengi limwagatelyi. Kayaa'nayangine tibikisa tuimwagasita yi'ne' sagwai wamwinya yunebanna yi'mwannaga Kingiya Naangei munya kepeba mwaarigele aangajimagi tiraginnigeba mwaara'.

Godiyale Kabwaalibaangei enjeliyara mamaayaraabi wabilabigerinesi.

⁴ Kabwaalibaangei Kanimaangeri yebya tewaanya nawi'nyaange' mena maarage' yi mamaayaraabire yebyabi wabilabagabaaimb'i yi sasare sagiribi kam'i sai mamaayaraabina naanga nebulya'na yima'nagelyi. Yi sagwara sari kwaagemwi wira'nagasalyi.

⁵ Sare' tarebinyi. Sinyamwi sagaa' Godiyai mamaayarajiya aane pwai kwari tara mwija'

"Kimi niminyi nyimbwaalibaangeiginyira.

Tagaa' kimaamaangeinyi kimwaaigimweiginyi."

Kiri' Kabwaalibaangeri sara wida'. Yi sagwai mamaayarina ayagi mwija'

"Kaminyi kanimaangeinyi yima'nimideinyi.

Niminyi nyimbwaalibaangei yima'nadelyi."

⁶ Kiri' Kwaagebagi mwaaryaraabyimwinna sagwai kamire aaya mudigwaimiraabyari makwaraabagegaa' sarei ta' "Mamaaya wiya Godiyainyirera sagwari yiraaya nabaya maripiga!"

⁷ Nabaai sagwai mamaayaraabina tara ta'

"Kamire mamaayaraabi yigwijapisaraabi wimwaaigandere.

Kamire widaayandibisaraabi titarisapisaraabi wimwaaigandere.

⁸ Kiri' Kabwaalibaangerina tara ta'

"Godiyaigi, wiyagaa' wiyagaa'ne kinginamwaaryisabi timaremwaaidieginyi.

Kimire a'mweraabi kingiyisaris'i yida'nanyabwina yawibwaramaremwaaindinyaiginyi.

⁹ Kiminyi yida'maraanga sabwina tewaanya kibu'nandeieginyi.

Kimwinyang'i kalajegibaryabwina simliga kwimwaarigeieginyi.

Midininyabidaa'nyi Godiyainy'i kimire Godiyainy'i yirewelija' kidingeieginyi.

Yi welija taja' kiminyi yiraaya kyigalageieginyi.

Sa'mwera yibaiginyabaaimbi' yiraaya yibaigatara mi'."

¹⁰ Nabaai Kabwaalibaangerina tara ta'

"Naangeigi sinyamwi Kwaaga tada' wagyaanyaiginyi.

Nabaai sugunya' kimnya ajiraalyi yabigaryaanyaiginyi.

¹¹ Wiyabaai yinagu kayaaga yinyina yadebaalyi.

Kiri' kimi aawa. Wiyagaa' mwaaindinyaiginyi.

Wiyabaalyi wiya piniji aya yima'nadengi.

Paají'ma'nya píri' aya yíma'nyína yadebaaimbisangi.

¹² Yi yíbija aya' ki'mwagakína yadebaimbí'

Kimi wiya sangí tígí'mwagakideiginyí.

A'mwei paají'ma'nya yadaigamaa'na yandebaimbí'

Kimi wiya sangí yadaigamaata sidengí.

Kiri' kimi yuna sana timwaaindeiginyí.

Kimire kwaramegaa' wi'na yíwawade mi'."

¹³ Pigaa' kigaa' Godiyai mamaaya tarajíya pewari wídagelaga!. Aawa. Kab-waalibaangerína tara tini'

"Kimi nímire aangasíri tiraginyaba timwaara!

Kimínyí talaangemwí wíra'narya'negaa'na yígamaangeraabi
kwagímidegaa'nayí."

¹⁴ Aawa. Mamaayara yi sagwara kuryarerá. Yi kurya sagwara Godiyari widaayandibisare. Godiyai a'mwera kamíre yuna padaigasamaaryí'neraabína kaimwagya'ne mamaayaraabi maryaa sandere.

Pigariguri Mud'i'naya' Yidabagasi.

Kaalaburi Aaya Kaabilai, Godiyale Yagaalarinesi.

1 Tarei sinyamwi/ sinyimwi kigaakuna Kwaaga taba' myima'nyamwi aayamwidaa'nyi mwaryaagarinesi. Sareri Nedasaabandeina wimidinoi kadiga wi'norina. Sareri nemire tinya wanganorina. Sareri yabwiranganorina. Sareri nemire aja mwanganorina. Sagwai Godiyale Yagaalai wi'yagaa' wi'yagaa'ne kaalaburi aaya kaabilarinesi.

2 Kaalaburi aaya kaabila tajagwai ku'maayabanna yima'naabina kya' nemi tinya wanganorina. Tinya wangano'na nabysa saliguraganda yingga dandaanyi. Wiyagaa' wi'yagaa'ne kaalaburi aaya kaabilai kigaakuna Nimwaryi ye'mwannamwaaryaagalyi. Sare sai ku'maayaba neyijiwaainadaa'nyi sari tinya wanganorina.

3 Sagwari tinya wanganona kadiga wi'no sarina seminyiji yingga dibaigo. "Nemiji abaaijimunya ye'mwannamwaaraana!" tona yingga dibaigo. Yibaai nemire ye'mwannamwaarya' taresi. Nimwaryi kamire Kawaari' Jisaasi Kiraajitiyaryi abaaijimunya ye'mwannamwaagoinera.

4 "Abaaijimunya ye'mwannamwaarya'nebina yiraaya naanga yinebanna newarana!" tona yagaala taja' yida'maigo.

Godiyai Paagerinesi.

5 Yagaala ta' Kiraajitiyai kaneda' kadiga wi'nona yingga dibaigo. Sa' taresi. Godiyai paagebi aaya kaabilalyi. Sagwari siginya wabe aane piri' kiri' mwiwarigalyi.

6 Sare'na siginyabi kayaa'na mwaaindaa kwaaji taaja' "Sagwaryi abaaijimunya ye'mwannamwaageinyi," kwaaji yagaala tandaa yagaala nebwina sa'neburi myibaigo.

7 Aawa. Paagebi tewaanna mwaaindebaambi' paagebi tewaanna mwaaraaja'na Kiraajitiyale pwaraji abaaijimunya se'mwannamwaagio. Yibaai tewaanna mwaaraaja'na Godiyale Kawaari'baangai Jisaasile tawebi nemire kayaa'naya wi'yabwi nemaarsi'nanda tawe sagiri' kriga neduimwagasi'nade'nanyi.

8 Nemi tinyina "Nimi kayaa'nayabwi kuneinyira," tinaaja' simunyangi kwaaji yabwitaanyainera. Sarebi nebula' nemire simunyangi wiranewate' mi'.

9 Nemire kayaa'nayanna saliguraginaaja' Godiyai "Kumire kayaa'naya maarasi'nima! Kumire krigisa'naya wiya, yi yida'maraangabwi maaya wi'yaburi tuimwagasi'nima!" taji "Kayaa'naya maarasi'nimideinyi," tiniga'na nabysa limwannigai, yida'maraangai mwaarigai sara yadelyi.

10 Yibaai Godiyai neda' "Wiyalabi kayaa'naya yigasalablyira." Sarebidaa'nyi nemi "Kayaa'naya myigeinyi," tinaaja' Godiyarina tina "Sagwai kwaaji yagaala tandelyi." Nemi kwaaji sara taaja' kamire yagaala' nemire simunyabi wiranewate' mi'.

2

1 Nimire kwaimiraabya wabelabi, yagaala taja' pigariguri yingga dawasibaiga. Sem i kayaa'naya myipine'na "Widibwaagima!" tena yingga dawasibaiga. Sare' kiri' a'mwe pwai kwai kayaa'naya' yaja' neminyine kayaa'nayanna Nimwari marewidandei mwaari'. Sagwai Jisaasi Kiraajitiyai yinda'maraangalyi.

² Sarei nemire kayaa'nayanna Godiyari sinya simiriga widebwi muba-maaras'i'nyi'nei paragalyi. Nemirennna yimbenna mi'. Aawa. Kwaaga wiya tabagiyyara anjimyaraabine kayaa'nayannanyira.

3

Godiyale kwaimiraabyainaabinesi.

¹ Yidaanyi! Nimwai neminyine kare naanga wimagelyi. “Ni'mire kwaimiraabyara, dima!” taga Kiraajitiyari limwandaanyainaabina kare naanga windene. “Godiya'nyire kwaimiraabyarera,” tage' nebulasi. Kamire kwaimiraabyainera. A'mwe Kwaagebagiyabwinera Kiraajitiyarina myabwiresabina “Kamire kwaimiraabyarera,” maneyabwiribaigya’.

² Nyibu'nandelabi, tagaa' nemi Godiyale kwaimiraabyaine. Tibi nemi perwarabisaina yima'nabaadeinaabaga'? Sabi myabwiranganyaine. Kiri' nemi tara yabwi'maigo. Tibi sagaa' Kiraajitiyai ku'maayaba yima'naabadegaa' kami sagwaimbi' yima'naadeine.

³ Yibaai sai tewaanyai kirigisa'naya kunei mwaarigabaaimb'i a'mwe kajai-jai sagwarina sara yemwaarigai Kiraajitiyarina tewaanyai yima'nibanigalyi.

5

Jisaasi Kiraajitiyarina saliguragya'nebwinesi.

⁶ Tajagwai Jisaasi Kiraajitiyai aaryabi libamabya yabineti kamire tawe' waraabaga paragabinesi Sugunyabidaa'nyai waraabaga'nanyi. Yine aari libamabya sabwinebina waraabagai mi'. Aawa. Aaryabinebwinaji tawebinebwinaji waraabagalyi. Kuryai nebulabi aaya kaabilarine'na Kurya sagwai yagaala sa'na saliguragadelyi.

⁷ Saliguragya tabaai tasa warigannanyi.

⁸ Yi pwai Kuryai, yi piri' aarya', yi piri' tawe'. Tabaai tata sa yagaala yimbe piri'naya' salikuragandes. Saliguragya sa' taresi. Jisaasi Godiyale Kawaaribaangalyi.

⁹ A'mwera saliguragi'pija' “Nebulasi,” tandaanyi. Yidaanyi! Godiyai saliguragya' a'mweraabirebi wiwabilabigasi. Sarebidaa'nyi Kawaaribaangarina Godiyai nejaliguragande' nebulasi. Godiyale saliguragya tare'nanyi. Jisaasi Nyibwaaribaangalyi.

¹⁰ Godiyale Kawaaribaangari limwandei kamire simunyabi saliguragya sa' wiwarigalyi. Godiyarie' malimwagandei tandelyi “Godiya' kwaaji yagaala tandelyi.” Godiyai Kawaaribaangarina “Ni'minyidaa'nyalyi,” saliguragya' malimwagande'na tandelyi “Kwaaji yagaala tandelyi.”

¹¹ Saliguragya taresi. Godiyai wiyagaa' wiyagaa'ne kaala'nebwi nejaabagasi. Kaala'ne saburi kaabila' Kawaaribaangari wirawiwariga.

¹² Sarebidaa'nyi Kawaaribaangei kininnigei kaalya'ne sabwi kininnigelyi. Godiyale Kawaaribaangai maayai kaala'ne sabwi maayalyi.

¹³ Yagaala taja yinggidawasimaaba. Godiyale Kawaaribaangari limwandibisalabi, “Wiyagaa' wiyagaa'ne kaala'ne sabwi kininnigeine, tipiga!” tena yinggidawasimaaba.

Godiyai

Mudi'na Yamaaja 1:1 Kunegaa' Godiyai mwaryaa'. Sinyamwinyaagaa' wiya wagyaa'.

Soni 1:18 – Godiyari a'mwe Kwaaga tabagiyaina wangandaanyarina mi'.

1 Soni 4:12 – Godiyari tinya wangandei a'mwei aane pwai kwai mi'.

Ayagi Maaryabi 33:20 Godiyai wida' "Nimire sinya' tinya manyangandinneiginyira." (Baaruya Yabandaigasamaata 33:20)

Soni 17:3 – Godiyai nebulyalyira, Nawi'nya kambelyira.

Godiayi A'mweimbi' (simunnagei, kare wiandebulyiyai, yabwitei)

Seramaayai 10:10 Naangei Godiya nebulyalyi. Sagwai Godiyai mwaaindelyi.

Apojeliyara 14:15 Godiya nebulyai wiyaagaa' wiyaagaa' mwaaindelyi.

1 Tejalonaaiiga 1:9 Godiya nebulyai wiyaagaa' kaala mwaaindei.

Yiredaaja 94:11 Naangei wiyainaabire simunyangi mena wanganigelyi.

Godiayi Kuryalyi (kilaaga maayai)

Soni 4:24 Godiyai Kuryalyi. A'mwei migo.

1 Timoti 1:17 Kingiyai wiyaagasa maremwaaindelyi. Sagwai wiyaagaa'nei mabalyandelyi. Sagwari tinya mwanganyandaanyalyi. Sagwai kambe pwainanyai Godiyalyi.

1 Timoti 6:16 Mabaryi yi'ne aaya kaabilyai kambelyi. Sagwai paaga naangeba mwaari'. Sagwari wangandei a'mwe aane pwai kwai mi'.

Godiayi kambelyi

Pigasaarine Kimwinya 6:4 Naangei nemire Godiyai Naanga kambelyi.

Aajaayai 44:6 Sinyamwinyaainyi. Aaya tibineinyi. Ni'mi Godiya kambeinyi.

Pwai aawano.